

O debate ecolóxico da pasada primavera e comezos do verao tivo o seu centro no malfadado Plan Forestal que, elaborado polo consulting SESFOR, fixo seu a Xunta de Galiza sen ter nen siquera o detalle de lle cambiar a etiqueta. Logo de toda unha chea de pronunciamentos de asociacións e organismos ben diversos que demostraron a inconveniencia do Plan, a Xunta renunciou a discutí-lo no Parlamento pero non á sua posta en práctica. Para salvá-la cara e evitar un auténtico debate recorreu a unha manobra de circunvalación, consistente en levar o debate á Comisión de Agricultura do Parlamento -e non ao Pleno-, con carácter de urxencia, presentando a discusión tampouco o Plan propriamente dito, senón un documento distinto, titulado "Plan forestal de Galicia e modelo de monte", que foi aprobado en comisión cos votos de PP e PSOE durante o mes de xullo (Boletín Oficial do Parlamento de Galicia, n.º 304, 31/7/1992)



MORTE E RESURRECCIÓN CONSENSUADA DO PLAN FORESTAL

Joán Carmona

O proceso de debate en torno ao Plan Forestal, que decorreu desde a sua presentación a bombo e platillo no Hostal até a renúncia por parte do PP a presentá-lo no pleno do Parlamento ten unha dupla leitura desde unha perspectiva ecológica. Dunha banda, unha leitura positiva: a iniciativa na oposición ao Plan, na denuncia da sua irresponsabilidade ecológica e da súa incoeréncia económica correspondeu moi claramente

ao movemento ecoloxista (recollidas de 6.000 firmas polos grupos da AGENG, notas de prensa, reparto de folletos informativos, manifestación do día 6 de xuño en Pontevedra, etc.); progresivamente foron-se incorporando á luta outros sectores afectados (concellos, coléxios profesionais, colectivos científicos), e entre todos, conseguimos que o Plan Forestal de SESFOR saíra pola porta do servizo.

A segunda leitura, a que resulta do exame do documento que, consensuado polo PP e PSOE, veu sustituir ao primitivo Plan Forestal, é sen embargo menos optimista: o PP renunciou a presentar un texto tan rechamantemente ruín como era o inicial, xa que era evidente que un Plan a 40 anos e con un compromiso financeiro de tal calibre (Véxase número de ADEGA, verán 92) non podía pasar no Parlamento só cos votos dun grupo parlamentar. Pero ao presentar un documento novo, mais breve e sobre todo inconcreto, o PP conseguía o apoio do PSOE, primeiro para escamotear o tema ao Pleno do Parlamento e segundo, para consensuar o documento finalmente aprobado.

O acordo acadado polo PP e o PSOE contén de entrada algunas declaracíons de principio positivas. Promover "unha estructura cabal da cadea pasta-papel", facer "unha gradación dos incentivos en función das especies", considerar que "nos montes de xestión pública nos que predomine a función económica o obxectivo principal será a producción de madeira de calidade". O problema é que este tipo de propósitos, ou ben afectan a superficies mínimas, como é o caso das de xestión pública, ou ben dependen de quéén as interprete, porque non cremos que signifique o mesmo "unha estructura cabal da cadea pasta-papel" para o Sr. Cuevas que para Ramón Varela, por poñer un exemplo.

Outro aspecto que se intenta vender como un avance no "PFG e modelo de monte" é o dos compromisos aos que obliga ao executivo. Estes serían básicamente catro: a remisión ao Parlamento de "un proxecto de lei marco para o monte galego durante o primeiro periodo de sesións do ano 1993", a proposta dun "plan de financiamento das actividades públicas contempladas no PFG para o primeiro quinquénio"

nun prazo de 6 meses, a creación dunha comisión parlamentar de seguimento do Plan, e o compromiso da Xunta de informar ao Parlamento "dos seus plans de autorización de instalacións de novas industrias de pasta de papel". ¿Oferece algúna garantía o primeiro dos compromisos de que a futura lei non siga as mesmas liñas do Plan SESFOR/Xunta?. Obviamente non. De se cumplir o segundo dos compromisos podíamos estar na simpática tesitura de ter aprovado un plan de financiamento antes de saber que é o que vai financeirar, porque o compromiso sobre a lei é para o primeiro periodo de sesións do 93, namentras que os 6

caso da instalación de celulosas, pero iso é xa unha obligación en todo sistema democrático, que non temos que estar agradecendo a cotío.





O resto do documento é fume, e havería que ver se cumple a normativa sobre emisións á atmósfera. Porque algunas das emisións más perigosas do Plan persisten, como por exemplo a intención de, antes de nada, facer a reforma da administración forestal, o Plan de Comunicación Forestal, etc. (vexa-se número anterior de ADEGA). En todo caso, as emisións que sobordan todos os límites admitidos son as de gas confusión, xa que as continuas referé-

Ecoloxistas detidos en Santiago

Ecoloxistas detidos en Santiago. Tres membros de Xevale foron detidos en Santiago no transcurso dunha actividade de protesta contra a aprobación do Plan Forestal polo Parlamento de Galicia. Os ecoloxistas estaban encadeados as reixas do Parlamento, e foilles aplicada a denominada Lei Corcuera, o que supuxo a sua immediata detención e conducción a comisaría. Esta acción pacífica estaba programada dentro da campaña que a AGENG veu realizando co obxectivo de manifestar a oposición ao contido do Plan Forestal e a forma en que a Consellería de Agricultura o elaborou. A actuación policial supón unha grave restrición das liberdades de expresión individuais e colectivas.

meses para a presentación do plan de financiamento acaban o día 31 de xaneiro dese ano. A Comisión parlamentar encargada de seguir a execución do Plan pode ser algo estupendo, pero o problema non é a comisión senón é o de cómo será o Plan que van ter que seguir, porque se iste último é unha desgrácia, ¿Qué adxectivo calificará a actividade dunha comisión que ten por función a de garantir o seu cumplimento?. Finalmente tamén está ben que o Governo informe das súas intencións sobre temas importantes como é o

cias a un "Plan Forestal de Galicia", que resulta difícil crer se estexan referindo ao próprio documento, introducen no leitor a dúvida de se efectivamente o Plan SESFOR foi abandonado -como afirma o PSOE- ou segue sendo un guieiro non declarado para a futura política forestal, e polo tanto para esa lei que será remitida ao Parlamento no vindeiro ano. En todo caso, o que sí está claro é que estamos como estábamos. E agardemos que o Plan que saiu pola porta de servizo non entre outra vez pola porta principal.



**PLAN FORESTAL
DE GALICIA
DERRADEIRA FASE**

XUSTA
DE GALICIA

X. Marín